



евьского, которого в монастыре Брацькомъ Луццькомъ, где его милост на тот часъ ночесть свой одправовалъ заставши, реквизиовалъ, абы его милост з тых то слуг своихъ справедливост его милости пану Пшастаковьскому учинилъ, на што его милост отецъ метрополита поведилъ, ижъ я маю иншие мое забавы, зачимъ тое справедливости на тотъ час чинити немогу, якожь не учинилъ; теды он возный того то Соломея слугу его милости и иншихъ помочниковъ его, его милости отцу метрополите, кгда уже его милост з монастыра и з Луцка в дорогу свою выежджалъ, в тисечи гривен полских, абы его милост до расправы правное, тых виновайцовъ при себе дотримавши, часу права передъ судомъ ставилъ, припоручилъ и арештовалъ, и о томъ тую реляцію свою учинил и зознал. И просил протестансъ абы тая его милости протестація и возного реляція до книгъ были приняты и записаны; што отрималъ.

(Изъ родской мушкоу книги, хранящейся въ Кіев. Централ. Архивъ подъ № 2481; л. 249 об. и слѣд.)

LXVI.

Грамота кіев. митрополита П. Могилы къ православнымъ южно-руссамъ, въ коей указывая на скудость матеріальныхъ средствъ Перемышльскаго братства вслѣдствіе постоянной его борьбы со врагами православія, приглашаетъ къ пожертвованіямъ на предпринимаемое означеннымъ братствомъ возобновленіе Свято-Троицкаго храма.

1643(?) года, мая 13.

Петръ Могіла, милостію Божею Архіепископъ Метрополитъ Киевскій Галицкій и всея Россіи, Ексарха Св. Апостолскаго орону Константинопольскаго, Архимандритъ Печерскій Киевскій.

Всѣмъ вовець и каждому зособна вшелякои кондиціи, достоинства и поволаня христіанскимъ побожнымъ людемъ, моимъ велце милостивымъ паномъ и въ Духу Святомъ наимилшимъ сыномъ, Архіерейское мое благословеніе препославши, доносимъ до вѣдомости, ижъ благочестивое и Боголюбивое братство Премыское, зостаючи праве при котве святого благочестія, будучи велице горячостю о немъ святою запаленое, отбияють штыхи барзо силуючися для утрапеня своегозу



всѣхъ сторонъ воюющихъ на себе неприятелей своихъ. Лечь же ся высилито южь охороняючи и церкви пилнующи святою цалости през розные невыповедимые напасти, а не могучи далее южь для удобства своего сами достатками своими выстарчитис, такъ утекаючися до права в невинности (?) ¹⁾ и великихъ пренагабаній святое церкви Россійское, а праве в самой тылко помочи Божой а щодробливости христіанской южь надѣю положивши, просили насъ о причиненный листъ до М. вашихъ о щодробливую, боголюбячую, хрихи (sic) глядячую а въ царство небесное приводячую ялмужну, бывающую на поратоване дому Божого, церкви, моллю, святое, на честь и память Святыя Живоначальныя Троицы, хотячи реставровати якъ напристойней, жебы въ своей пори зоставала. Мы теды видячи речъ слушную и досит чыныачи ихъ утрапленои прозбѣ, повѣрилисмо оного от оныхъ з межисебе соборомъ обранымъ и намъ добре залеценымъ мешканцомъ и обывателомъ Премыскимъ братства благочестиваго на имя Алексѣя Корендовича, Стефана Саноцкаго, просячи, абысте М. ваша з щодробливости и побожности христіанской, имъ во всемъ вѣри додаючи, щодробливыми ставитися рачили, подаючи руку помочи, за што милостивый и щодробливый Отець небесный тысячекратною М. Вашимъ всѣмъ дочасномъ и вѣкоистою въ приплымъ вѣки нагородою будетъ; которого ласка и нашего смирения Архіерейское благословеніе абы на милостяхъ вашихъ пребывало упреиме зичимъ. Писанъ въ монастыри Печерскомъ мая 13 року (1643)?

(Съ копіи, хранящейся въ бібліотекѣ Черемышльскаго уніатскаго собора Іоанна Крестителя.—Годъ подъ грамотою выставленъ въ высшей степени неразборчиво (съ росчеркомъ въ конечныхъ цифрахъ); поэтому безусловно ручатся за вѣрность своего чтенія не можемъ).

¹⁾ Въ рукописи стоитъ не имѣющее смысла слово: *вневгнорсти*.